

Regd.No.19134/88 <http://www.kbc.org.in> NAI/220/99
No-G.I./Regd.Magazine/KBCThuso/MNP-81



KBC | THUSO

So477

Num 56 Ihinna

Bulte/February 2019



Machalna tohgon



MARCH EVENTS: Mission Week - 4-10 | KBC Sunday - 17

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



*Pastor transfer and posting cheho
Houbung hotoh kilhanna le kikhutsanna*

CONTENTS

THUMAKAI HO

1. Editorial/Machalna tohgon	1
2. Nanghon hiche lampi /Gl. Seikhogin Haokip	3
3. Top 7 Leadership Qualities/Brian Tracy	6
4. Koudoh/Pastor Seitinmang Vaiphei	11
5. Mission Column	13
6. Men Column	18
7. Youth Column	19
8. Literature Column	21
10. Report	23

EDITORIAL BOARD

<i>Chairman</i>	: Rev. Tonglet Haokip, President KBC
<i>Editor</i>	: Dr. M. Thonghosei Haokip, General Secretary
<i>Joint Editor</i>	: Rev. Henjalen Doungel
<i>Contributing Editors</i>	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
<i>Cir. Manager</i>	: Ms. Lhingjanem Haokip
<i>Design & Layout</i>	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 8131803543 Contact thei.
Circulation to kisai lam Mobile No. 9862633173 bol ding.



“MACHAALNA TOHGUON”

Editorial

Houbung mite jouse iPakaiyu Jesu Christa min ngei pen minin salaam kahin peuve.

Tunaicha 66 channa KBC Assembly (28-31 January, New lambulane) chu lolhing tah in akichai theyin, Pathen thangvah aumin, chuleh houbung/gambih/Convention general leh department hoa thalheng ho jouse chungu kipa thu kahin seiye. Kum thupia ineyu chungchona lhatin thupi inei kit un, tulha thupi chu ahileh ‘Machaalna Tohguon’ kiti ahiye.

Tukum a dingin Convention machaalna dingin tohguon phabep ikigon uvin ahi. Department hon jong chutobangma chun ningkuma sanga ichan kamachaal diu ham tin lunggel ngaituo aneyun ahi. Adang tampi umjong leh tukuma nei leh nga a machaalna dingin, ningkum Diamond Jubilee melchihna dinga Guest room phabep kisa chu akimtuh gei bou ilhunu ahin, tukum a hi chai theng a, jinlhun in hoitah a nei ding ti ahiye. Chuleh, campus sunga quarter kisa chai lou jep ho jong chai theng ding, tui lonna (nullah), midang chenkhompicho toh kikah a fencing phatah semna,

tuikholna, septic tank ima semna, etc. ho sem-
tup ding chu ahi.

Hiche ho hung tahso na dinga houbungho nasa-
tah a panlah hung ngai ahitai. Achesa a ipanna
hou jalla Ambulance Dk. Lac 9 man kichodoh a,
office semhoina/suhthengna Dk. Lac 3-4 lut, of-
fice tol song kiphana dk Lac 4-5 lut, Genthei cha-
ga/meithai te dinga Dk. Lac 2 Endowment Fund
a kikoi thei, chuleh adangdang tampi iboldoh
theiyu hi nangho (houbungho) hapanna jal
ahin, nachung cheh uva avel velin kipa thu hiche
thuso mangcha'n kahin seiye. Tukuma project
ho jong hi nangho panna louva alolhing ding
khat cha um lou ahi. Convention kipputila pat a
tuni geiya idanpi (Constitution) a ineyu Con-
vention leh houbung ho 50:50 hi phatah a ipeh cheh
theiyu leh mundang leh michom henga khutdo/
tum ngailou ding ahitai.

Tukuma dingin Budget hi Dk. 13 Crore lhingdeh
ineiyun, hichehi eihoa dingin alhom beh seh
jeng tai. I Choir hou jong tukuma Manipur pam
(Hyderabad) a India Baptist Summit a pui ding,
aban bana eiho thalhenga kibolna a India pol-
ama jong kimanchah nom ahi. Amavang, hito-
bang ahiteng leh sum le pai louvin ima aumthei
poi. Office jong khovei lam leh suh letbe ding
ngaiyah ahitai. Kum 2033 teng leh KBC hin kum
75 lhinna Platinum Jubilee iman dingu ahin,
hiche hetjingna dinga tua pat a Convention Re-
source Centre (CRC) phatah khat ikiguonu ngai-
yah ahitai. Hiche chun tutua iboinahou tampi
eisuh lhap peh dingu tahsan ahi. Pathenin KBC
mangcha'n na lentah atoh nome, hichea dinga
ikiguon nah um? Tu ahilou leh itih a ibol diu? Ei-
hon ibol louvu leh koiyin abol ding?
Lungluttah a simho jouse chungu Pathen vang-
boh chang cheh tauhen.

NANG HON HICHE LAMPI HI NAHO KHAH LOU LAI U AHI

*Gl. Seikhogin Haokip
Lecturer
Servanthood Bible College, Dimapur*

SERMON

*"Nanghon Pakai na-Pathenu kitepna thingkong khu Levi them-
pu ten a put uva aki tolu namu phat phat uleh, nangho jong na
umna mun cheh a konna naki patdoh soh keiyuva thingkong
nung khu na jui diu ahi. Hitia chubou hoilam najot diu ham ti na-
hetdoh thei diu ahi ye; ajeh nang hon hiche lampi hi naho khah
lou laiyou ahi." (Joshua 3:2b-4a)*

Thu Makai: Kum lui igal kai uva kumthah ihung lhun utoh kilhonin mi tampi in kumthah plan iki gon laitah u hidin katah san in ahi. Mi abang khat chun kum thah hi ipi ti hinkho kaman diham tia lungkham loi jong ium diu ginchat a ume. Kimkhat chun New year resolution kistem ma hiche dungjui ya chu phatah a kum lhun ding ngaito loi jong mi um tei inte. Ahin tunia hiche article in adoi le atup chu tukum 2019 apha pen le ahoi pen a ijot galkai thei na diu va ipi ibol diu ham? Koi to iki lhon diu ham? Ahi lou le koi nung ijui diu ham? Ti chu Israel te Jordan agal kai uva Cannan gam alut kon u thusim a konna ina vet diu vin kahin dei sah e.

Joshua 3:2-4 sung kahin peh na a kon hin Pathen thu point thum ina vet diu vin kahin kahin tah lang in ahi.

1. Pathen thingkong le Levi thempu te: Pathen in Joshua komma aseï chu nang ho Jordan nagal kai uva canaan gam jondia naki pat doh teng ule Levi thempu ten Pathen thingkong chu aput diu mipi masanga che diu ahi. Chuteng le mipi chu Pathen thingkong le Levi thempu ho nunga chu kijot diu ahi. Hetding chu Israel te hi canaan gam jon a aki tol nau va hi nam chom chom ijat hamkhat in ana dou dalu ahi. Dougal melma dimsetna nei nam mite ahiu vin ahi. Hitobang condition ah hin Sepai galsat them le hangsang hon mipi chu lamkai ule kilom tah ahin ahi. Hinla Pathen thingkong pu thempu ho chu sepia hole galhang ho masang ah ana kijot uvin mipi chu ana lamkai uvin ahi.

Hichea konna ilah doh nom uchu eihon jong ihin kho uva Pathen amasa pen a ikoï diu eiko mu peh uvin ahi. Kison na ijat hamkhat jong chu nanei meitheï ahi nai, hijong le Pathen sanga hatjo, chingjo, themjo, le boltheï jo aum pon ahi. Na chihna, nathepna, na nei na gou le sumle pai ho naki pui sah le nagam man pa tei tei ding ahi.

2. Hitia Chubou Hoilam Najot

diu ham ti nahet doh thei diu ahiye: Pathen thingkong mipi masanga Levi thempu ten aput uva aki jot tengule Pathen in ajot nadiu lampi ako mu peh jiu va hiche dungjuï ya chu lam ajot thei u ahin ahi. Joshuan Israel mipi te kom ma chun Pathen thingkong nung a kijot a Pathen thingkong chu ve pum ma lamjot din thupéh ana nei in ahi. Ajeh chu Israel chate kijot na hi tulai ya eiho lampi ho bang hilou ahi, gamthip leh gammang lah a canaan gamchu ahin lhang jot tho u ahi. Hichea hi Pathen chu a thingkong chung a chu pansa a amite chu apui ahi. Sopi te, hiche point jong hi eiho tahsan chate lamjot toh kitoh kasa na lom e. Tulai khangthah tamtah iti hinkho mandi ham jong hethei ta lou va lamvai atam tai. Mi nu mipa tampi insung pohna je he ta lou va insung chaveï atam ma ma jeng tai. Mitampi ahin vanga aban lamjot be naje he lou va kitang den na kipah thei ta lou jong a um da pon ahi. Hiche ho jouse chu ipi jeh ham? Pathen a ki puisah lou jeh u ahi. Pathen in eipui tengu le bou hoilam ijot diu ham ti ihet thei diu ahi ye.

3. Ajeh chu nanghon hiche lampi hi naho khah loulai u ahi ye: Israel chaten Egypt a pat a Canaan ahin jot nau lampi hi masang a khatvei jong ana ho khah nai lou u lampi chu ahi. Hijeh a chu amasang uva ipi um di

ham jong ana he po ve, ito bang gam le lhang a phah pa diu ham? Vadung umdi ham? Kolse um di ham? Sahang um di ham? Ahi lou le twikhang len um di ham? Tiho ima ana hethei pou vin ahi. Hinla Pathen thingkong amasang uva ache lai chan in Pathen in Israel te chu sun le meilom in apui in Jan le meikong in apui jin hiti chun ache khah lou nau lampi hijong le Canaan gam chu ahung lhung thei tao vin ahi.

2019 kiti kum jong hi eiho dinga ijot khah nai lou u lampi chu ahi. March a ipi hung lhung ding ham? Ahi lou le June a ipi hung lhung ding ham? Koima chan aki he pon ahi. Ahi loule ima sanguva ipi eihin to diu ham? Koiman aki he pon ahi. Vangphatna jeng jeng hilou ding ahi, hahsatna le lungjin lunggimna jong umtei

ding ahi. Ahin imasang u gimnei lleh jong le Pathen to iki lhon laiseu va kichat na ding le lungneo na ding a um poi. Pathen in damsel a tukum jong eipui lhungdiu ahi ti tahsan lel a um poi. Pathen a kisong lou, Pathen a kingai lou, Pathen in alam kai lou miho ding in vang 2019 hi kum pha hidin katahsan pon ahi.

Achaina isei nom uchu 2019 hi ahoi theipen leh apha pen pen a naman nom ma nagal kai nom ma, kumpha kum hoi, phatthei na kum, lolhinna kum, kipana kum chule khantouna kum dinga nadei le hiche ho jouse neipa le pethei pa "PATHEN" kipui sah inlang ama to kilhon le chun kumlhun tengle Pathen vahchoi na tanglou va nanei nom ding ahi. Asim jouse Pathen in phatthei boh taken.

THUSO THUA HETSAH

Muntin a KBC Thuso ngailu a anasim jouse henga hetsah nom chu 2018 sunga thumvei lang ana kihetsah ma bang in tukum 2019 a kipan thuso lah man Kum 3 sang a tamjp bat neijouse hungkipelou ahitai.

Hijong leh aban a lajom jing nom aumleh Office lam a hung kisuh theng thei ahi.

TOP 7 LEADERSHIP QUALITIES:

By Brian Tracy

Sermon

Thubulphu:

Mimo taha kigela midang lamkai na noija bou hing,lamkai hikha lou va naki ngai to ji am?Lamkai koi hija lamkai lou koi ham?Mihemin lamkai tia thucheng iman a koiham khat mopoh na ipoh a amasei sei ngaidinga ium nao kilam kai na chu muthei lamkai hochu lamkai khat na ahi.

Lamkai anina chu ahileh mihemin atun hilou Pathen in atun amale amachunga kilam kai na mihemte jouse chungu Pathen in akoi eima tahsa chungu kilamkai na hi ahi.Hiche hi chungu kipe lamkai na sangin ahah sajon hinlah mitam tah in hiche lamkai na mopo hi keijong kahi ti hi akihet them poi.Hiche hetna alhah sam jeh hin minoija kuna milam kaina noija umjing danin akigel jin imacha hilou danin lungput anei jin ahi.Hinlah tunia iseinom uchu mihem Pathen in ahin sema pat amale amachunga kilam kai dinga ama mopohna apeh cheh ahin amopoh na kihet ho chu amachang kitim jouvin tin asachuga vaihomin tin khangtou vin lolhing in tin hitabang miho hi muthei ja lamkai ja ipan sah jong leh alolhing jiu vin ahi.

Kumthah ihung lut utoh lhonin chule eiho jouse jong lamkai hicheh ihijehun lamkai khat in aneiding gunho (qualities) phabep anaveo hite.

Mipi lamkai hina hi miching hon lam tamtah a hilchet na apeovin gahseithei definition khatchu John C Maxwell in hiti hin lam-

kai hina ahilchene. "Lamkai kiti chu achenading lampi hethem, achenading lampi a che,chule achenading lampi kichehtaha midang seipeh thei"mi ahi ati. Lamkai phatah chun khonunga hung lhung ding thil ho amumasan kimaitopi nadin kigot na aneimasa thei jin ahi.

Tunihin Lamkai lolhina nei tam-tah in leadership chung changa lungel apohdohu tampi aumin hinlah Brian Tracy in ahin pohdoh lamkai lolhing khat hina dinga ngaikhoh qualities ho hi hetthei ding in tahlang na kahin nei nome. Ahin hichu iseimasangun Lamkai lolhing kiti hi ipin asem ham? Lamkai lolhing tahho chun anatoh chung chang amusaovin atohdan agongthem in chule amajong atohgon chutoh kilom tahin ahing in ahi. Hitabang lamkai ho chun vision kicheh ane-ijun, ahanganun, athudih un, alhanlhaiun, chule teamsunga member jouse panna chun natoh agong jiuvin ahi.

Tamtah um jong leh athupi jep leh angaikhoh jep 7 anaveo hite.

1. Vision

(Ahunglung ding thilmuchet-na) ***“Good business leaders creat a vision, articulate the vision, passionately own the vision, and relentlessly drive it to completion”-Jack Welch.***

Lamkai lolhing tah ho chu vision kicheh tah neiho ahivu. Amaho hin khonung thil hung lung ding amuthei uve.

Amaho hin kicheh tah leh thanop umtah in anatoh in ahin sodoh ding result chu lungmita vejingin kipah tah in amolso kah un adel jing un ahi.

Vision kicheh tah nei lamkai hi amite dingin jong jui thanop

aumin kithopi nom aumin tahsan nale kineppi nachun ama vision molso nading chun pan akilahhu nom in ahi.

Manager lolhing tah chun natoh kigong chu tohmolso a aumnading a pan alah ahin Leader dihtah chun anatongho jouse kipah taha panlahkhom na asemdoh peh in ahi.

2. Courage (Hansanna)

Courage is rightly considered the foremost of the virtues, for upon it, all others depend”-Winston Churchill.

Leader lolhing tahkhat in aneitei hina chu hansanna hi ahi. Hansanna nei kiti na hi leader khatchun atohgon molso nading a lampi jouse akhol toh a adihding pen a agel natoh nachu hangsan taha ajot a kalolhin lou jong leh akhoh poi tia lolhin natei dia pan lah na chu kisei na ahi. Ajeh chu hinkho sunga hin hiche mong mong ti aumpon lolhin ding le lolhin louding jong koiman amasang in aseithei ngai poi. Ipi natoh hijong leh jotei ding lung tupa nakitong jouse hi risk ahahsat na le anoh phah na umtei ahi.

Leadership qualities 7 laha a hi hansanna kiti hi mita mutheipen hina ahi.

3. Integrity (Kitahna)

“With integrity you have nothing to fear, since you have nothing to hide. With integrity, you will do the right thing, so you will have

no guilt.”-Zig Ziglar

Lolhin na ding a natoh len kinei jouse hi atongding lamkai kitah na angaijin ahi. Kitahna kiti hi thudih taha hina kon hung sohдох hina ahi.

Kitah nahin nitin jalhang hinkho munjousea thudih jeng naseia thudih a nahin ding adeijin ahi. Hiche kitah na beihin mihem khat in hinkho a lolhinna anei ngaipoi.

4. Humility (Mijouse to kihou thei/kineosah)

Kineosah letna tahbeh ahi. “nasunga um kilet sahna lung thim chu nakituh tang thei chana nanatoh thupi nale mantam dan chu hethem nahi, Asei jenga pang louvin mithusei jong ngaidan themin, chule thil jouse hi lamkai nahi vanga kaheso poi ti kihet in. Natoh khompi hoa kon lungthimtah apha kisei doh aumleh la a jop ding nahi nachu amaho hetthem sah in, Nakiletsah nachun natoh molso nading lampi imacha nako mu peh ponte. Kiletsah nachun nalolhin a kipa na chu tohkhompi hocheng pan lahkhomna akon ahi ti seinom lou na napeh ding ahin hichun natoh khompi lung thim sung atoh khah ding ahi. Kineosah nahin bolkel/tohkel naneileh bolkel kahitai tithei na lungthim napeh ding ahi. -Larry Bossidy.

Lamkai lolhing tah kiti ho chu lamkai hangsan ahija kineosah je heho ahivu. Kineosah kiti hi uhpoh ngamlou ,mikichase tina

ahipoi, Hiche hin ase pen chu tongkel bolkel thei akihi ti nahet them jalla hung soh doh hina chu kisei na ahijoi.

Hiche hi leader tamtah in aneilou hina khat ahi ajeh chu hiche hin mihem khat chu ima jouse a lhing jeng ahipoi ti hetthem na anei sah ahi.

Hiche hin keijong bolkel tongkel thei kahi ti nahetthem sah a chule hiche hin natoh na a koi pachat na chan ding ham ti nahet them sah ahi.

5. Strategic Planning (tohgon kicheh):

“Strategy is not the consequence of planning, but the opposite: its the starting point”-Henry Mintzberg.

Lamkai lolhing tah ho chun tohgon kicheh tah anei ding ahi. Hiche jong hi leadership suhat na khat ahi. Hitabang hina nei lamkai ho hin maban thil hung lhung ding amuvin, kigon na aneithe un ahi.

Lamkai dih tah chun thil kitol dan ahemasa un ahi. Amaho hin tunia thilsoh aveovin kum thum jou, lhathum jouleh ipi hung soh ding ham ti thudoh atoh khompiho adong jin hitabang jinga hung lhung ding kholto themna hin tohgon phatah tah agondoh sah jin ahi.

Tulai kitet nakhang ahitah jeh hin hitabang a khonung thilhung

lhung ding a kigot na nei ho tilou koima hing joulou ding din mun ahung hitai.

6. Focus (Tuple doi kicheh)

“Successful people maintain a positive focus in life no matter what is going on around them. They stay focused on their past successes rather than their past failures, and on the next action steps. They need to take to get them closer to the fulfilment of their goals rather than all the other distractions that life presents to them”-Jack Canfield.

Lamkai dihtah ho chun ngaichat khoh pen chu ipi ham ti akhol toh jing un ahi. Ahungsoh ding akholtoh masaovin, aman ichan atohdoh jouva atohkhompion ichan atoh doh jouding ham chule mipiten hiche tohmolso nadinga chu ichan pan alah thei ham ti akhol toh masa jin ahi. Lamkai lolhingtah ho chun amahina le mipite hina akhol toh soh keijin ahi.

7. Cooperation (Kithokhom)

“If your imagination leads you to understand how quickly people grant your request when those request appeal to their self interest you can have practically anything you go after”-Nepoleon Hill. Nalolhin thei nadinga mijouse nalung lhaisah a napuikhom thei na chu lamkai hina a nagelkhoh pen khat ahi. Leader lolhing kiti ho chu “ mijouse a leaderpa dinga thanom tah a natoh sah thei

lamkai ho” chu kisei na ahi.

Lamkai khat nahi na a mipite/na-tohkhom piho jouse thakhat taha pan nalah khom sah joule alohin gding nahi jenge. Atoh khom piho kithunun jou lou lamkai chu lolhinglou ding ahi.

Thusei themtah ahi angaije.

Lamkai mopo khat nahia lolhinginge nati leh chung a kisei jat 7 ho nanei jouva jong thusei them ahilouleh mi convince nathei ja thusei thei na nanei angaije. Hi-jeh a chu Proverb lekhabu jih pan o poh leng lunga thu akisei leh mi alung hang theijin, o nem heova akidonbut leh milunghang jong akipa sah ji” atin ahi. Atoh khompiho kipa nading leh Lamkai khat ahina a alunggel tohgon hoina tohkhompi cheng koma ahetchet sah a anop sah leh lamkai pa chu lolhing ding ahi. Hiche seithem na chu anei louleh thilhoitah gong jong leh atohgon chu alohin nading banga lolhing jou lou ding ahi.

Extra Leadership Traits to Accelerate your Career.

Bonus-1

Lamkai dihtah ho chu khonung thu gella tunia ding 100% hing ho ahiuve. Lamkai dih tah chu khonung a hung lhung ding insung houbung sung chule gam-sunga hung lhung ding ho agaldot jiu vin ahi.

Amaho chun janhi a hoilaija kache am ti gelsang in jingle hoil-

ai ja kache ding ham ti ahagel joh uve. Amaho chun nitin hinkho hi aphachom natoh na a manding lung gon bou anei jiu vin achesaphat a lhinlalna ho gelnan phat amang ji tapouve.

Vanoi leisetna hin 10% in bou khonung ding agele akiti. Hiche honlhomcha hi vannoi apoh u ahi akiti.

Lamkai khat kahi nati leh practical taha nakitong hung guilhung dinga muthei na lunggel nanei angaije.

Hiche nading hin nang man nagel masat pen ding chu imajouse hi lunglut le tomngai tah a kabol leh kamol so ding ahi ti nakigel angaije, nangle nang nakitah san masat angaije. Hitabanga hi nang le nang kitah san na naneiteng tohgon lentah neijong le chun atohdoh nading lung thim tha chule lampi hinsem doh in natin natoh molso ding ahi. Ama kitah san jou lou hon itih in lolhin na aneingai poi. Hitabang a hi nangma **"long term thinker"** nahi masat angaije

Bonus 2.

Thil hi ahitheo ding lang le aphot nading lang mumasan:

Lamkai lolhing tah hokhun Positive attitude aneiun chule khonunga hung lhung ding amuchen un ahi. Lamkai tamjon tunia thil

soh ho hi aboipiu vin ahin lah Lamkai dihtah ho chun khonung kum 5 kum 10 jouleh hoilai a ipi dinmun a umding ham ti aboi piuvin ahi.

Lamkai dihtah ho chun mipi, aloile golho, customer ho, chule achate sanin akipasah jin ahi.

Khonunga amaho dinga hung lhung ding hina le dinmun ding chu alung mitin amujiuvun hichun kipah tah a nitin hinkho a natoh nom na apejin ahi.

Amaho chu hitabang thanop na aneijeh uchun toh ding alungvil un ajing imu pouve, Nikho sunga thilphachom khat beh boldoh tei ding ti lung vil najeh in nikhat chajong moh seh in ache mang sah pouve.

Amaho chun thil kibol nakitong jouse a hin chule thilsoh jouse a hin opportunity phatah amujiuve. Amahon mipi hi aphot na lam pang jeng in amuvun, thilsoh jouse a aphachom akilah doh un ahi. Alolhin lounao thilsoh ho kihil nan amang jiuvin hinkho mantam dan aheovin ahi. Lamkai dihtah chu anitin hinkhoa kiman chah na a hettheo ahijiuve. Atotham jouse lungtup neija tong ahijalun amaho hi midang sangin hop 5 hop 10 in na ahatoth doh jouvin ahi.

KOUDOH/ CALL OUT

Gen, 12:1- 3

*Pastor Seitinmang Vaiphei
C/C New Lambulane.*

Sermon

Tuni tahsa le lhagaova lhatdam kachan khompi Houbung mite ho jouse Jesu Christa minin kangailut na thu thot kahin peovin ahi. Chunga hung kipe Topic : 'Koudoh' kiti thucheng hi igel khom diuvin ikitiemuvin ahi. Christan athisan na achoh Houbung hi nikhat le hiche leiset na kon'a akoudoh kit ding ahi ti tahsan na ineinao toh kilhon in chomcha ana kihou lim ute.

1. Pathenin Abraham akou:

Gen, 12:1 a patna isim seh le Pathenin Abraham akou akimun ahi, Kou akiti tengle mun khatna kon'a kikou doh a munkhat na kisolji ahi. Hitabang chun Pathenin Abraham chu UR khopia konin akoudoh in aphung achang, ainsungmi chule agam leiset dalha din asollin ahi. Pathenin Abraham chu amoh kou hilouvin, phat thei boh dinga akoujoh anahije. Itidan'a Pathenin Abraham chu UR khopia kon'a chu akou khoh khoh ham ? Ur a chu phat thei aboh jengthei hilou ham?. Khaile ven Ur khopi chu jonthan hoi kibolna mun, jule sa kineh na mun anahi. Hiche tabang chonset kibol na mun'a chu Pathenin aloupi na aphon theilou joh anahin ahi, hijeh a chu Pathenin Abraham chu hiche chonsetna mun dalha dia chu asolla hiche chonset na muna kon'a chu akoudoh ahi. Hichu ahile chonset naho toh umkhom jinglaijin Pathenin aloupina aphong theipon phatthei najong eiboh theipoi ti hi suhmil louvin aphan ahi. Na umna mun chu

ven Pathen phat thei boh chan na thei mun hinam, ahikhah lou le dalhan hiche mun dalha ding chun Pathenin nakouve.

2. Phatthei boh achan na: Abraham chun Pathenin akouna bangtah a chedia akigel lhah vangin Pathen ana lunglhai lou hin tin Pathenin phat thei anaboh vahpon ahi. Ajeh iham iti le aman asopi pa Lot chu anaki lhonpin anapui le e, Lot toh aumkhom sungin Abraham phatthei bohna tah tah anachangpon ahi. Ajeh chu Pathenin ase chu abulhit lou ahi, amavang Lot toh ahung kikhen na Lot ahin dalhah chun Pathenin ahung villin khovei tuphat le chapa khat nahin ding ahi tin ahung hetsah pai ngal in ahi. Ven sopi ipentah jou nunga Pathen a dinga lhingtah a ikigel jou nung jenga jong lolhin na tah tah inei theilou ji hi ajeh aumin ahi, Abraham in Lot adalhah theilou banga idalhah thei lou tahsa ngaichat na eihen oh anaum jingjin ahi, nadalhah joule Pathen in nahung vil ding ahi ti sumil hih in.

Achainan, Houbung hi Pathenin amouva dinga alhendoh a leiset a kon'a achom khen'a athisan

na achohdoh chu ahi. Ahi nan-gaito khah ji em ? Pathenin hiche Houbung hi nikhat le hiche leiset na kon'a akoudoh ding ahi tih nagel dohji em, nagel dohle hiche Houbung mite hi leiset na kon'a akoudoh tengle koudoh lah a chu jaodinga naki got hinam ?. tunin kigel in nikhat vang chu leisetna kon'a hiche Houbung hi akoudoh teiding ahi. Houbunga hin ni in ijaothei juve. Khat na chu leiset na konin akijao theije; inop nop bol ding, idu du neh ding, Houbung mi hina jong neiding ahimopoi, hichu leisetna kon'a Houbung hina chu ahi. Anina chu oh Calvary a kon'a Houbung mi hina ti chu chonse kahi tia Pakai kom ma ngaidam thum a lung kish pum'a chonset na dalhah a a Houbung mi hina chu ahi, koiman eihepoi amavang nikhat Pathenin hiche Houbung leisetna kon'a akoudoh nile leiset na kon na Houbunga jao ho chu leiset a dalhah in umun tin, Calvary a chonset kish na neija Houbunga jao ho chu Christa anga din pui hitaovin tin hoijoh chu nadeijem kigelin.

Pathenin asim jouse phat thei eiboh peh tao hen, Amen

Mission Week/Sunday mang dia hetsah na.

Kum seha KBC in Mission week ina man jing bangun tukum jong ahung lhung ding March 4-10 (first week) sung hi Convention Mission week tia man kit din ahung kigong e. Theme "Changat ding atamin atong ding mi alhome" Matt.9:37. Mission natoh machal nadin houbung jousea Mission Envelope jong ahung kisol in houbung lamkai hole mipi ten anagel khoh cheh u hitin aphant chan office lama Mission Sunday collection toh hinhah khom cheh ute. Hiche hapta sung hi houbung in Mission week a iphon doh uva programme Mission office lama kona hung kigong hi inachepe cheh diuvin temna ahung kinei je. Hapta sunga kaikhom na jouse mipi adia igon thei u le igon dingu Patthen thusei jousen chung a kipe bible changa hi pansa a Mission natoh to kisaia message ipeh cheh diu vin ikihetsah uve. Department hon jong hiche hapta sung kaikhom na a kitoh collection ho houbung khutna ihin pehlut cheh uva Houbung in thakhat na receipt sathei dia office lama ihin thah lut cheh diu vin temna le hetsah na jong kahin nei ahi.

Mission week 2019 a dingin Centre Church ho Pulpit exchange

Mission week 2019 a dingin Centre Church ho Pulpit exchange ahung kibole pastor ho chenading chule adang houbung vilnadinga hung kigong chart General assembly laia hung kithot doh chu kipah tah a inajui cheh diuvin ikitem kit uve. Houbung speaker hung kisolna jousen speaker ho chu phate chan Pathen thun ana kiman khom piu hitin chule jokham khamin houbung /mission hon acholam diu ana gon peh cheh ute tia jong temna kahin nei ahi. Pathenin KBC Houbung jouse hattah a alengam natong joujing din phathei boh jing taken.

**Mission Week Program-2019
Nikho 10/3/2019**

Thupi: "Changat ding atamin atong ding mi alhome" Matt.9:37.

Phat homtoh – Mission Chairman

Phat patna la

Phat pat taona	-Women Chairperson
Collection	-KBC Mission
Vahchoila	-Church Choir/BYD
Message	-Speaker
Phat chaina la	
Phat chai taona	-Head Deacon

Tohphon bangkhai thua kihetsah na

Kum 2018 ahung kichai to Ihonin Event calender chepin Finance Department in Financial closing day din 8-9 January anache pin ahi. Hito Ihon chun Mission sum lepai hung kithah lut jouse jong hiche nikho chan chun receipt book akiven Assembly Report a din ahung kisutoh in ahi. List kitem jouvin houbung phabep in 2018 share ahin pen ahileh Mission report a ahung jaoman tapon anahethem u hite. Hiche isum pehu chu receipt kikat cheh ahijeh in imacha aboina aumpoi ahin lah 2018 share a ipeh u ahi jalin 2019 report a hung pang thei talou ding ahin inahet them cheh dingu deina a hiche hilchetna hi kahin nei ahi. Kaki pahe. Pathen in ithilpha bolu eihetpeh u henlang phatthei na chamkim eichan jing taohen.

2019 apat Pathen natong dinga kila Mision worker thah ho.

Pathen mapu najallin Convention Mission natoh ahung machal jingin anatong din Mission nin noija kipe Missionary hohi ahung kilahben Assembly 66th General assembly in approved abol dungjui ja anoija minchong chenghi kum 2019 a pat Convention Mission worker khat a kism ding ahi taove. Atohmun cheh uva alohin nadiuvin itaonao vah anagel doh jingu hite.

Name	Designation	Place of posting
1. Mr Letkhohao Haokip	Hostel Warden	Amrajan Mission Hostel
2. Pastor Amit Sandiala	Pastor	Kingdom of God Baptist Church
3. Mr Jillun Haokip	Chawkidar	EPM Gothol Taona Moul
4. Mr Lalhmangaihthanga Kuki	Evangelist	Ambassa Misiion field Tripura
5. Mr Satyabasi Molsom	Evangelist	Ambassa Mission Field Tripura

Baptism Performed.

Achesa nisim 13 january 2019 nichun Moreh Meitei Baptist Church muna Baptism program khat anaki mang in ahi. Nungah chapang thum in tahsan tuilut Rev Ibomcha Meitei Field Supervisor khut a ana laove. Pathen in mabana phatthei boh jing taohen.

2016 — 2018 SUNGA

CHINA FIELD MUN A PATHEN ANA KISAN HO

Pathen in houbung mite taona le thumna chuleh sum leh pai SOUTH EAST ASIA [SEA] KBC MISSION adia hongphal tah'a iki-phal nau athon in akoi poi. Adeh in China gam ah Pathen lenggam naa itoh uh hi lungthase louvin, thanop leh pontho tah in pan ana lajing uhite. Houbung miten Pakai lenggam ah pan ilah nau, Pathen lhagao in naa atoh jing ho muthei leh simthei ding in hin tahlang inge. Anouiya hohi Pathen in achesa 25th February, 2016 - 1st December, 2018 akon tuni chan ah Inn houbung leh personal evangelism akon Pathen ana kisan ho ahi.

1. NUPI NI IN PATHEN ANA KISAN Mother's Day nikho masang chet Dt.7, May 2016 (Saturday) nikho chun keiho inn houbung in Chinese nupi ni Pathen tahsanna twilut kana chan un ahi. Hiche hi China kalhun til Inn houbung'a katohna akon gaa masapen ahijeh in kaki-pana anasang l'leh in, Pathen khangvah in, taona'a eihin tosot jing houbung mite jouse chung'ah kakipana kahin phong in ahi.

2. UNIVERSITY STUDENT KHAT IN PATHEN ANA KISAN Achesa Dt. 29th Oct, 2016 nin International hostel ah ka room mate pa toh phatsot tah kana bouipi lhon, John in Pathen ahuhingpu leh



alengpa in ana kisan in ahi. John hi Kunming University of Science and Technology noui'a Bachelor of Tra?c & Transportation simlai ana hi ahi. Ama hi Zhengzhou City, Henan Province, China akon ahi.

3. MI SAGI (7) IN PATHEN ANA KISAN

Agam sorkar in dan tampi sem henlang, kha tampi nei jong leh Pathen lhagao naatoh hi akham jou pouvin ahi. Achesa Dt. 13th Nov, 2016 nin jong Inn houbung akonin Pathen lhagao naatoh najal in pasal li leh numei thum in Pathen ahuhhingpu leh alengpan ana kisan uvin ahi. Chul-eh tahsan twilut leh Pakai ann-jon jong ana kinei khom peh uvin ahi.

4. MI LI (4) IN PATHEN ANA KISAN Inn houbung akon in Pathen lhagao naatoh hi achal jing in, aphot phat in amite hinkho ah lhagao naatoh muthei in aumin, achesa Dt. 18th Nov, 2016 nin jong numei thum leh pasal khat in Pathen ahuhhingpu leh alengpan ana kisan kit in ahi.


5. MI LI (4) PATHEN ANA KISAN Achesa 16th July, 2017 nin jong Pathen lhagao naatohna inn houbung mite ho chungana ana um kit in, numei ni leh pasal ni in Christa ahuhhingpu leh alengpan ana kisan uvin ahi. Tahsan twilut ana kichan toh lhon in, Pakai ann-jon jong ana kinei in ahi.

6. MI THUM (3) IN PATHEN ANA KISAN Muntin ah tahsan chate in Chinese te adia taona kinei hi, Pathenin don louvin akoipon ahi. Pathen lhagao in inn houbung akonin naa atong jingin, aniseh ah Pathen kisan hi akihe joujai poi. Houbung mite taona jalin achesa 26th Nov, 2017 Sunday nikho chun mi thum (3) in Pathen ana kisan in, tahsan twilut kana chan kit un ahi.

7. GRADE 3 SIMLAI IN PATHEN ANA KISAN Ruby toh Hand in Hand Play Center (HHPC) voluntary ah katohna mun lhon akon'a phatsot tah Pathen thua kana bouipi lhon Dona in class kanei lai un Christa akisan nom jehin huhhingna taona kanajui sah lhonin, Christa akisan jouva achunga Lhagao theng in atokhahna jong anasei in ahi.



8. ST. PAUL SCHOOL AKON PATTERN ANA KISAN Aches 13th Sept. 2018 chun Pathen thu kahil jingna school khat ah phat phabep kana bouipi golhang chapang khat in huhhingna kisan ding'a kigel lhahna anei toh lhon in, huhhingna taona kajui sah in, Pathen cha hina chun hinkho ana mangpan tan ahi. Muntin'a um houbung miten tahsa damna kanei jing nadiu, apao kahetbe nading, loi pha golpha kanei jing nadiu, Pathen akon kot (open door) thah ahung kihon ah kipana thupha seiphong ah aum jingthei nading



ing in taonan neihin geldoh jing uvin tia kipathu seitoh kop'a kahung tao kit ahi. Pathen in KBC Mission naatoh phatthei hinboh jing intin, ama lungchang pona thei khangdong tampi hinsep doh jing taken!

Sanlut Letminthang Haokip KBC Mission Coordinator, SEA

KBC Office a PA to Gen, Secy, athah kilata.



Miss Nemhoichong Haokip,
KBC C/C Chavangphai Gambih No. 15

Men Column

KBC Lom Resource Centre a dinga Caretaker/Chawkidar ding ngaichat

Kuki Baptist Convention Lom Resource Centre mun, Saitu Khonou KBC No. 4 mun a Caretaker/Chawkidar ding ngaichat ahi. Hijeh chun koi hijong le anoiya kipeho lhitna nei, athanom hon, ama khutna kithumna (Application) ahin pehlut thei ahi.

Tohmun: Caretaker/Chawkidar

Tohna munding: Lom Resource Centre, Near Saitu/L.Chajang

Lhalo: Rs.7,000/- (fixed)

Mi pengthah, thenna hinkho mang, khamthei toh kikangse mi hiding.

Gambih/Church Pastor Recommendation pangtei ding ahi.

Baptism Certificate

Date of Birth Certificate

Ji (cha) nei, amun a chengden tei tei ding mi ngaichat ahi.

Application pehlutna achai ni hi Date 12 March 2019 hiding ahi.

Ama Bio-data/testimony kituptah a kisun jong ahin jaosah ding ahi.

Application pehlutna ding mun:

Secretary, Men Department KBC Office,

Opposite DM College, DM Road, Imphal

Thuchen hetbe nom hon Rev. Kaikam Chongloi contact a hetchet thei hiding ahi

(Mobile No. 7005525660/9612904168)

Rev. Kaikam Chongloi
Secretary
Men Department, KBC

Youth Column

Youth Assembly 2018

Pathen lungsetnale venbitna jalchun KBC Youth Department Assembly chu KBC Centre Church, Chassad Gambih 17 mun'ah ana kinei-tan ahi. Mun gamla ahijeng vangin KBC khangthah ten jong Chassad munom nale kiloikhomna ngailutna jalchun ana kikal song khom in mi 143 ana kikhom doh in ahi. Anoiya Assembly a kon'a hetdia paimo phabep kahin tahlange.

Youth Lamkai Thah-ho:

Youth President	: Gl. Thangkholun Singisit, C/C Salem Sapormeina, Gambih 4.
Youth Vice President:	Pu Thokhongam Haokip, Baptist Church, Saivom, Gambih 16.
Youth Recorder	: Gl. Nehminlal Haokip, C/C New Lambulane, Gambih 1.
YWC Member	: Gl. Onkhotinthang Haokip, Baptist Church, Joujangtek, Gambih 7.

Kilomtah in Former Youth President, Pu Seikhogin Doungel in jong atokhkompi ho vailhahna le thilpehna jong a-in neipi toh aneilhon in chukey hilouvin Convention Youth Department in jong vailhah nale thilpehna akinejin, chuban jom in Gambih jousea kon in jong kilomtah in vailhahna ana kineiijin ahi.

Centre Church Chassad in jong anneh twidon gena touna kisuhtah in eina gonpeh un, chule Gambih 17 Pastor, gambih lamkai le Centre Church, Chassad a Pastor le Board of Deacons hon jong pan nasatah in alauvin amaho chung a seijoulou kipathu akiphongin ahi. Pathen lungset in dam le bit in Youth Assembly chu ana kichaiye.

Youth Connect 2019

KBC Youth Department le KBA Nagaland Youth Department kitho khom a Youth Connect hi boldinga Youth Assembly a kiseilha ahin chujouva KBC General Assembly a jong Approval che ahitoh lhon in hiche kingon chelhahna din lamkai hon pan ala pan tauvin ahi.

Hito kisaijin Gambih jouse Youth Department in ahelouva paimo phabep kahin tahlange.

Gambih 1-21 sunga Youth Department apang lou umthei lou ding. Sun teng kichep golseh, football (pasal), volleyball (numei), tug of wall (numei, pasal) short-put, (numei, pasal) a-umding, nilhah teng Pathen houkhomna (Live Worship) umding

Gambih jouse Choir (Gambih Choir) jong pangcheh ding, La kitetna jong umding.

Gambih jouse a kon na Choreography/Melodrama kitetna jong umding

Notes: Hiche toh kilhon na hetdinga kilom jouse KBC Youth Secretary in lekhatot ahin neijing ding, detail tah a lekhatot a ina mujing diu ahitai.

Karbi-Anglong Youth Camp

Tukum jong Gambih 18, Karbi-Anglong a Youth Camp bolpeh dinga Youth Assembly a kiseilha hitoh lhon in hiche kin a lolhin nadin KBC Youth member hon sumlepai ahin toh khom jingun, amaho jallin Pathen thangvahna ipeuve.

Aphat le nikho lhin kah-a koi hijongleh apang nomjouse akilem jingin, nulepa pileup, nungah-gollhang jouse hiche Youth Camp a din pan lakhom jing dingin tem ihuive. Hiche a dia pang dinga kigellhana neisa hon jong to dinga ina seidoh hou itopat jing diuvin tem ihuive.

Hiche kingon a hi Convention Youth Work Committee member jouse jong pang ding, imajouse, an-hon le neh le chah geiya Convention Youth Department in abolpeh ding ahi. Mitin in taonan geldoh jing utin, pan lakhom jing ute.

Bible Quest 2019

Tukum jong kumdang banga Bible Quest hi umkit ding ahitoh lhon in muntin a Houbung mite jouse jong ikigot panthei kit u ahitai. Hiche toh kisaija akikhel phabep chu, tukum a patna Consolation Prize tia kikoi talou ding, BQ Top 10 joh a kilheng ding ahitai. Lolhinna mu asangpen mi 10 kilhendoh ding amaho chu kilomtah a kipaman kipe ding ahi. Chule Application Form hi March nisim 10 apatna kihom panding ahitai. Gamkai/Gambih jouse Youth lamkai ho kom'a kilah jing thei hung hiding ahitai.

Bible Portion: Ezekiel le Daniel

LITERATURE & PUBLICATION SUNDAY SCHOOL TEACHERS TRAINING - 2019

Achesa 21st - 23rd January, 2019 sung chun Centre Church, Salem Sapormeina muna'h Literature & Publication Committee mopohna in KBC Sunday School Teachers Training anakibolin, KBC houbung ho le houbung dang khat le nia a kon a traininga hung kalsong Sunday School jilkung le Superintendent mi 500 val le mihil (Resource persons/ Instructors) mi 22 panna in training chu lolhing tah in anakichaiyin ahi. Traininga hung kalsong jilkung ho, Sunday School Surperintendent ho, Resource person/ Instructor ho, chule ahung kikhom ho jen le sasah a pang Centre Church, Salem Sapormeina Pastor le atohkhompi houbung lamkai ho, Receptionists ho, ushers ho, chu le neh le don a eibopipi hou le houbung mite chungga Pakai minin kipa thu seijou lou leuvin ahung kophonge. Ipan lah nau le itohnau chungga Pathenin phat thei eiboh tauhen!

BIBLE PUMPI THUMVEI SIMCHAI MASA KITETNA

66th General Assembly, KBC a Literature & Publication Recommendation Approved ahito kilhonin, tukum (2019) sunga dinga HOLY BIBLE pumpi thumvei (3 times) simchai masapen kitetna umding ahin, akisei banga Bible pumpi thumvei simchai masapen chu kipaman a Rs. 5000 (Rupees five thousand only) kipeding ahi. Hichea hi KBC houbung mi koi hile anom chanin pan alah thei ahi. Koitobang athanom a pan lading ho tua pat a hi ikipat jeng theiyu ahitai. Akisei banga thumvei simchai chaiyin Phone Call a Literature & Publication Secretary ihin hetsah jeng theiyu, ahiloule tahsa tah a KBC Office a Report ihung bol jeng theiyu ahi.

Report Bolding Dan: Report nahinbol tengule nasim patna lha, nikho le nidan, chule nasim chaina lha, nikho le nidan phatah a napeh ding ahi.

Hichea het louva khoh tah khat chu ahile, Christian (Pathen chate) ihuvin, koima jouva Report bol (jou sei) um theilou ding ahi. Hitobang bol chu aumle Pathenin achung thu atanding ahi.

LITERARY MEET - 2019

66th General Assembly, KBC a Literature & Publication Recommendation Approved ahito kilhonin, tukum (2019) jong le Literary Meet umkit ding ahi. Kitetna ding Item ho, amun le aphot, chu le kigot ding dan thua achen achai ho lhakit lang le hetsahna lekha hung kitol ding ahi. Houbung jouse hichea dinga hi thanom tah a lung thim le sum le paiya kigonna inanei pan tah diuva hetsah le tem ihuive.

HOBUNG LA (TONIC SOLFA)

Pathen lungset jalin phat sot pi inaboipiu houbung la (Tonic Solfa) akisemdoh tan ahithe chan a houbung mihon mimal a jong ikichoh uva, houbunga dinga jong icoh cheh teidiuvin hetsah le tem ihuive. Houbung tinin alou theilouva houbung copy dinga Copy ni le thum thum beh ichoh teidiuvin jong hetseh le tem ihuive. (Print Price: Rs 250/-)

KBC DIARY - 2019

KBC Diary phabep pi aumnalaiyin, amang nomho dingin KBC Book Room a kon kichoh thei ahinalaiye (Aman Rs. 100/-)

PILHING SUNDAY SCHOOL SIMMUN BU

2019 pilhing Sunday School simmun bu Trachers Training le General Assembly jenga jong Press hoa kon a dei banga inachan/ inamu neng joulou-u chu 2nd week of February a pat a imuneng thei diu ahitai; aphatcha a akisuh kim manlouna thua houbung miho anga ngaid-am ahung kithum e.

Sunday School Exam certificate

2018 Senior 1, Senior 2 le pilhing Convention level Sunday School competitive exam a anapang top 10 sung tilou adangse koito bang convention certificate dei aum a ahileh Rs. 100/- a KBC office literature Secretary kom a ahung kilah thei ahi.

*Secretary
Literature & Publication*

KUKI BAPTIST CONVENTION

The 66th General Assembly 2019

At Centre Church New Lambulane, KBC Gambih No.1

A REPORT

Achesa nisim 28-31 January 2019 sung chun avei 66 channa KBC General Assembly 2019 Centre Church New Lambulane, KBC Gambih No.1. munah anakineiyee. Nisim 28 (Monday) ni 11:00 Am to 4:00 PM sungkah chu Registration ahin, nidan 4:00 PM chun flag hoisting programme ana ume. Rev.Dr Thongkhosei Haokip, General Secretary in mipi lemna anei in Hb.La No. 4 sah khom na aki nei in Rev. Dr. Hawlngam Haokip, President KBC in KBC ponlap hilchet na anei toh lhon in ponlap khai doh na anei in chule Apa, Acha chule Lhagao theng min in 66th KBC General Assembly hondoh na anei tai.

Ajing nism 29th January (Tuesday) jingkah devotion nidan 7:00-7:30AM kah Rev Seilen Haolai in KBC kum thupi le Motto mangchan Pathen thu a til khou na ana nei yin, aban a session akipan tai. KBC General Secretary in aban chan min kou na ahin nei in achai na a Assembly officer ho min ahin kou utoh ki lhon in a touna mun u ahin lo uvin assembly session aki pan tai. Assembly Chairman Rev. Dr Halwngam, KBC President in ahoulimna ho paper a present abol toh kilhon in point ni (2) ape in (i) kataona eisan peh ho (ii) Houbung mite le tohkhompi ho chung a kipa na chule KBC MOTTO toh kimat a thumop/vailhahna ho ase in in ahi.

REPORTS:

General Secretary, Mission Secretary, Finance & Property, Education Board, Pastoral Committee, Development Committee, Men Department, Literature & Publication, Women Department, Youth Department, Kanggui Christian College, Dr Colvin Academy, STS chule Auditor reports pe ding a lom jousea kon in reports aki vekhom in, suh dih thei aki su dih in, kipah tah in aki san peh in ahi.

RECOMMENDATIONS:

Mission Board, Pensioner Board, Christian Education Board, Finance & Property, Literature & Publication, Development, Men Department, Youth Department, Planning Committee, Pastoral Committee, Evaluation Committee, Women Department, Theological Board, Finance &

Property, chuleh Convention Executive Committee recommendation ho aki ve khom in suh dih thei aki su dih in approve akibol tai.

HOUKHOMNA

Nilhah seh in houkhomna aumin, lhunkim nilhah chun Rev.Dr. M. Thongkhosei Haokip, General Secretary in mipi kom a lem na thu aseih toh kilhon in Pathen thu a Hebrew 6:2 mangchan "PI LHIN NA LAM DEL IN KIHA BOL UTE" ti thupi mangchan pilhin thudol ah thupi sein a aneyin ahi. Nilhah nina ah, Rev. D. Singson (Missionary to Nepal) in Pathen thu a ama testimony le mission field a ana toh na ho ngainom um tah in thupi sein a aneyin ahi. Nilhah thumna ah, Miss Anem Haokip (Women Secretary) akon in Phillipi 3:11-14, 2 Timothy 4:7-8 akon in Pathen thu ngai tah aki ngai lhan ahi. Nilhah lina leh achaina nilhah a Pathen thu program a minchong Rev. Thangsat Kipgen ahung tah lou jeh chun Miss Lhingboi Kipgen, KBC Deputation to MBC as Secretary Women Department MBC in phat alan, Mathew 6:9-10 akon in "NA LENG GAM HUNG LHUN HEN" ti thupi mangchan til khou na anei in ahi. Houkhom sungin Necrologist, Rev. Tunlal Haokip lamkai na in 2018 kum a KBC sung a ana mollem numei 105 chule pasal 146 ho geldoh na le poh nat na aki nei vetsahnan minute 1 thipbeh in akid-ingin ahi.

ORDINATION SERVICE: (1:30PM-3:00PM)

Tuchungin KBC Pastor mi 7 leh missionary 2 ordain bolna akineiyin, anoia minchong hohi ahiuve:-

Pastor Lunzalen Khongsai

Pastor Paokhohao Haokip

Pastor Onkho Haokip

Pastor Satminlen Khongsai

Pastor Lunkholal Haokip

Pastor Thongkhongam Haokip

Pastor Lunkhosei Tuboi

Mr Amit Sandiala, Pastor Kingdom of God B/C Punjab

Mr Letminthang Haokip, Missionary to China

CHOIR HO

KBC Central Choir ho phat anakichai leh aban athah kilah kah ahi toh kilhonin, Imphal sunga Centre Church Choir ho ana kingenseuvin, amahon jong kipah thanom tah in la ngeitah eihung sah peh uvin, amaho chung a kipa thu isei uve. Amaho chu: Centre Church, New Lambulane (Host Church); Centre Church, Langgol; Centre Church,

Game Village; chule Centre Church, Haokip Veng ahiuve.

DAANPI KHELNA (CONSTITUTIONAL AMENDMENT)

Tutua Daanpia ineiyu ahivanga chepi thei lou phabep umlah a 2 (ni) CEC hon ahin pohdoh u chu gelkhomna leh vote dopna aum toh kilhonin kikhelna aumin, hiche teni chu: Aji government natong hithei lou dinga kisei chu kikhah a, chule Council nung umlah a CEC jong tumasang 2009 vela kisei banga um kit ta ding kiti chu ahiye.

LAMKAI THAH KILHENNA

Ahung lhung ding kum 2019-20 sunga lamkai thah kilhenna Nomination Committee ho agamkai chomchoma konin lhenna ana umin, KBC President leh Vice-President dingin Rev. Tonglet Haokip leh Mr. M. Jamlal Zou lhendoh ahilhonne. Board holeh Committee hoa Chairman leh member ho lhenna jong ana ume. Department hoa lamkai kilhengdoh sa ho leh tuchunga kilheng doh ho jouse Installation programme anaumin, General Secretary in thenso nale taopeh na anei in ahi. Aban in Nute lamkai tenia konin kipa thilpehna aum in Out-Going President le Vice-President ponsil pehna, chuleh amani a kon in lhah na le kipa thu sei na aum in aban kit in Incoming President akon in houlim na aum e. Nilhah kaikhom kichaiyin, KBC ponlap chu Ex-Vice President Pu Lhunthang Kipgen in khai lhah na anei toh kilhon in 66th KBC General Assembly chu khum kha ahitai.

KIPA THUPHON

Avei 66 channa KBC General assembly a hunglha houbung/gambih/ Convention a board/ Committee thalhengho, assembly officer chuleh worker jouse chungah, lhunna-gena chuleh neh leh chah phatah a ei-boipiu host Church New Lambulane teho, nilhah seh a thusei (Speaker) holeh devotion eilamkaipheh ho, vahchoila ngeitah eisahpeh u Centre Church Choir ho, Ordination programme a thempu/Minister ho jouse, program a minchong lamkai vaibol ho, taona ima a pan hinla jouse, Record eibolpehu Assembly secretary teni chule Assembly a lekha leh adang hin sutoh a office a tohkhompi Secretary/staff ho jouse chungah kipa thu isei uve. Pathenin phatthei naboh cheh tauhen.

Rev. Dr. M. Thongkhosei Haokip
General Secretary, KBC.

KBC Worker Transfer & Posting cheho

KBC kivai homna dungjuja Pakai lhacha ho a posting mun a Term lhingho jouse tohmun kikhel na neiho 1st February, 2019 in General Secretary khut na Joining Report apah utoh kilhonin ama ama natoh ding mun alhung cheh taovin, Pathen thangvah aumin, chule ama jouse chungu jong Pakai min a akisolna thanom tah ajot cheh na chunguva kipa thu akiseijin, maban a jong atohna mun cheh uva Ga tamtah sothei dingin Pathenin phat thei boh cheh tao hen. Anojia hin amin ule atoh mun hou ahung kivetsah e.

Name of Workers	Present place of Postin	Propose place of Posting
Rev Seilen Haolai	Pastor, CC Haokip Veng	Attach at Office
Rev Paojangam Haokip	Pastor KBC No 1	Pastor CC Haokipveng
Rev Khupthang Kilong	Pastor CC Saikul	Pastor, KBC No. 07
Rev Helkholam Lhouvum	Pastor KBC No. 07	Pastor CC Kangpokpi No. 5
Rev Thangkhogin Touthang	Pastor, CC Hill Town	Pastor, KBC 10
Rev Thongkholun Touthang	On return from F/Stud.	Pastor KBC No. 08
Rev Thanglen Haokip	Pastor KBC No.08	Pastor KBC No. 15
Rev Manpithang Haokip	Pastor, KBC No. 04	Pastor, CC Hiil Town
Rev Tongmang Haokip	Pastor, KBC No. 15	CC Leimakhong
Pastor Onkho Haokip	Pastor CC Newlambulane	Pastor KBC No. 11
Pastor Thongkhongam Haokip	Pastor KBC No. 06	Pastor CC Chassad
Pastor Lunkholal Haokip	Pastor KBC No. 05	Pastor, KBC No. 03
Pastor Khuptinal Hangshing	Pastor CC Kangpokpi	Pastor, KBC No. 04
Rev Thangkhosei Haokip	Pastor KBC No. 19	Pastor KBC No. 01
Pastor Lamkhogin Haokip	Pastor CC Singat	Pastor KBC No. 14
Pastor Seitinmang Vaiphei	Pastor KBC No. 10	Pastor CC New lambulane
Pastor Ngampao Lungdim	Pastor CC Leimakhong	Pastor KBC No. 19
Pastor Limminthang Zou	Pastor KBC No. 14	Pastor KBC No. 06
Pastor Lunzalen Khongsai	Pastor CC Chassad	Pastor KBC No. 05
Pastor Letkholal Haokip	Pastor KBC No. 11	Pastor CC Saikul
Rev Paosei Haokip	Pastor KBC NO. 03	Pastor CC Singat
Mr. Paolunlal Kipgen	PA to Gen Secy.	Children Director

SECRETARIES TOUR

2018 kum sunga gambih hoa Secretaries Tour anakibol banjomin 2019 kum sunga dinga amasapenin 9th February, 2019 (Saturday) ni chun gambih No. 5 (Kangpokpi Area) a Secretary (General Secretary, Mission Secretary, Men Secretary, Literature Secretary, Development Co-ordinator) ho anakikal songin, Centre Church, Kanpokpi muna'ah akalsong cheng Secretary hoto gambih Pastor thah pa Rev. Lungjalen Khongsai panna in gambih lamkai ho le houbung lamkai ho kikhop khomna le kimutona anakineiyin, hiche kikhopna a chun Rev. Dr. M.



Thongkhosei Haokip, General Secretary in KBC (aumdan, kivaipohna, na kitong doh ho le tohgon ho) thudol a hetsahna le houlimna to thon Paper Present abolin ahi. Hitobang ma chun Rev. Henjalen Dounjel in Mission & Evangelism lam thudol a hetsahna le houlimna aneyin, Rev. Haoneo Haokip in Literature & Publication lam thudol a hetsahna le houlimna aneyin, Rev. Kamboi Chongloi yin Men Department lam thudol le adeh in Lom Resource Centre (LOM) thua hetsahna le houlimna to thon Paper Present abolin, hiti chun gambih No. 5 a Secretaries Tour Programme chu kipah tah le lolhing tah in akichayin ahi. Amin cheh in kipah tahih jongle gambih Pastor le gambih Chairman vailohna to lhon a pontho tah le tomngai tah a hung kalsong gambih lamkai ho le houbung lamkaiho chung a Pakai minin kipa thu sangtah ahung kiphonge. Chule ngailutna le khohsahna neitah a an neh tuidon a einasasah uva gambih Chairman Pu Seiminthang Misao le a-inneipi chung a jong Pakai minin kipa thu sangtah ahung kiphonge. Pathenin ikiloikhom nau KBC le houbung mite jouse phat thei eiboh jom jing tauhen!

General Secretary, KBC



2019 Sunday School Lekha bu ho

**Houbung la Tonic Solfa jao athah
kisemchu muthei ahitai.**



**2019 General Assembly New Lambulane mun
a Pastor leh Missionary Ordian kiboldho**

Post Regd. MNP/81
Regd No. 18134/88



2019-2020 sunga ding Convention kivahtom na a Lamkai thah kihengdoh ho

If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173